



UNIVERSITÄTS-
BIBLIOTHEK
PADERBORN

Vitæ D. N. Iesv Christi Monotessaron Evangelicum

Heser, Georg

Monachii, 1657

Turba variorum ægrorum.

Nutzungsbedingungen

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

II. Et dixit Iesus centurioni: Vade, & sicut credidisti, fiat tibi. Et sanatus est puer in illa hora. *Matth. 8. v. 13.* Et reversi, qui missi fuerant, domum, invenerunt seruum, qui languerat, sanum. *Luc. 7. v. 10.*

Surdus.

MEDITATIO CXXXIV.

Christus aperit aures surdo, & vinculum linguae solvit eidem.

Vide inter Mutos, Meditationem CXXXIX.

Turba variorum aegrorum.

MEDITATIO CXXXV.

Christus predicans & sanans, obit totam Galilæam.

I. **C**ircumibat Iesus totam Galilæam, docens in synagogis eorum, & prædicans Evangelium regni: & sanans omnem languorem, & omnem infirmitatem in populo. *Matth. 4. v. 23.*

II. Et abiit opinio ejus in totam Syriam, & obtulerunt ei omnes malè habentes, varijs languoribus & tormentis comprehen-

fos, & qui dæmonia habebant, & lunaticos,
& paralyticos, & curavit eos. *Matth. 4.*
vers. 24.

III. Et secutæ sunt eum turbæ multæ
de Galilæa, & Decapoli, & de Hierosolymis,
& de Iudæa, & de trans Iordanem. *Matth.*
4. v. 25.

Alia ex cap. 9. Matthæi.

I. Circuibat Iesus omnes civitates, &
castella, docens in synagogis eorum & præ-
dicans Evangelium regni, & curans omnem
languorem, & omnem infirmitatem. *Matth.*
9. v. 35.

II. Videns autem turbas, misertus est
eis: quia erant vexati, & jacentes, sicut oves
non habentes pastorem. *Matth. 9. v. 36.*

III. Tunc dicit discipulis suis: Messis
quidem multa, operarij autem pauci. Ro-
gate ergo Dominum messis, ut mittat ope-
rarios in messem suam. *Matth. 9. vers. 37.*
et 38.

MEDITATIO CXXXVI.

*Christus Capharnai multos infirmos
curat.*

I. **C**VM sol occidisset, omnes qui habe-
bant infirmos varijs languoribus, du-
cebant

cebant illos ad eum. At ille singulis manus imponens, curabat eos. *Luc. 4. v. 40.*

II. Erat omnis civitas congregata ad januam. Et curavit multos, qui vexabantur varijs languoribus. *Marc. 1. v. 33. § 34.*

III. Omnes malè habentes curavit; ut adimpleretur, quod dictum est per Isaiam prophetam, dicentem: Ipse infirmitates nostras accepit, & ægrotationes nostras portavit. *Matth. 8. v. 16. § 17.*

MEDITATIO CXXXVII.

*Christus omne genus morborum sanat
in loco campestri.*

I. **D**escendens Iesus (de monte cum XII. Apostolis) stetit in loco campestri, & turba discipulorum ejus, & multitudo copiosa plebis ab omni Iudæa, & Ierusalem, & Maritima, & Tyri, & Sidonis, qui venerant, ut audirent eum, & sanarentur à languoribus suis, *Luc. 6. v. 17. § 18.*

II. Et qui vexabantur à spiritibus immundis, curabantur. *Luc. 6. v. 18.*

III. Et omnis turba quærebat eum tangere: quia virtus de illo exibat: & sanabat omnes. *Luc. 6. v. 19.*

MEDITATIO CXXXVIII.

*Christus in regione Genezareth omnes
malè habentes sanitati
restituit.*

I. **C**Um transfretâssent, venerunt in terram Genesar; *Matth. 14. & 34.* in terram Genezareth, & applicuerunt: cùmque egressi essent de navi, continuò cognoverunt eum. *Marc. 6. & 53. & 54.*

II. Et percurrentes (viri loci illius, *Matthæi 14. & 35.*) universam regionem illam, cœperunt in grabatis eos, qui se malè habebant, circumferre, ubi audiebant eum esse: *Marc. 6. & 55.* & obtulerunt ei omnes malè habentes. *Matth. 14. & 35.*

III. Et quocumque introibat in vicos, vel in villas, aut civitates, in plateis ponebant infirmos, & deprecabantur eum, ut vel fimbriam vestimenti ejus tangerent. *Marc. 6. & 56.* Et quicumque tetigerunt, salvi facti sunt. *Matth. 14. & 36.*

Alia ex S. Marco.

I. Iesus cum discipulis suis secessit ad mare: & multa turba à Galilæa, & Iudæa, secuta est eum, & ab Hierosolymis, & ab Idumæa, & trans Iordanem; & qui circa Ty-
rum

rum & Sidonem, multitudo magna, audientes quæ faciebat, venerunt ad eum. *Marc. 3. v. 7. & 8.*

II. Et dixit discipulis suis, ut navicula sibi deserviret propter turbam, ne comprimerent eum: multos enim sanabat, ita ut irruerent in eum, ut illum tangerent, quotquot habebant plagas. *Marc. 3. v. 9. & 10.*

III. Et spiritus immundi, cum illum videbant, procidebant ei: & clamabant dicentes: Tu es Filius Dei. Et vehementer comminabatur eis, ne manifestarent illum. *Marc. 3. v. 11. & 12.*

MEDITATIO CXXXIX.

Christus plurimos agros sanat in monte.

I. **V**enit Iesus secus mare Galilææ: & ascendens in montem, sedebat ibi. *Matth. 15. v. 29.*

II. Et accesserunt ad eum turbæ multæ, habentes secum mutos, cæcos, claudos, debiles, & alios multos: & projecerunt eos ad pedes ejus, & curavit eos. *Mat. 15. v. 30.*

III. Ita ut turbæ mirarentur, videntes mutos loquentes, claudos ambulantes, cæcos videntes: & magnificabant Deum Israël. *Matth. 15. v. 31.*